

mam totum ferè appareat; addendo, si opus fuerit, S. Q. Aquae ad aëris attactum praecavendum. Postea agita, et Aquam turbidam per decantationem separa, et per subsidentiam praestabit Ferrum minimè oxidatum in pulverem subtilissimum, qui leni calore exsiccatus in vase vitreo diligenter serva.

Dosis ad scrupulos duos.

CAPUT XLI.

PRAEP. EX HYDRARGYR.

HYDRARGYRI EXTRACTIO.

℞. Sulphureti Hydrargyri Nativi Q. V.

Pulvera, et procede, ut in Hydrargyri purificatione sequenti formula: quanquam Sulphuretum Hydrargyri Almadenense Limaturae Ferri adjunctione ad Hydrargyri secretionem non indiget.

HYDRARGYRI PURIFICATIO.

℞. Hydrargyri Almadenensis Q. V.

yy

354 PRAEPARATA EX HYDRARGYRO.

Ex retorta ferrea, aut fictili non vitreata
vehementi igne distilla in receptaculum, cu-
jus medietatem aqua repleat.

AMALGAMA HYDRARGYRI CUM STANNO.

(*Amalgama, seù Pasta Jovis.*)

℞. Stanni uncias duas,
Hydrargyri uncias tres.

Hydrargyrum, tandiu in crucibulo cale-
factum, donec in fumos abire incipiat, affun-
de Stanno, in alio crucibulo liquefacto; pos-
tea ab igne remove, et materiem agita spa-
thula lignea in mortario marmoreo, addendo
Muriatis Sodae pauxillum, et aqua ablue ad
dulcedinem: dein panno linteo exsicca, et conserva.

*In quovis dato pondere e. g. in singulis unciis
continet Hydrargyri tres quintas partes.*

OXIDUM HYDRARGYRI SACCHARATUM.

(*Saccharum Vermifugum.*)

℞. Hydrargyri puri uncias duas,
Sacchari Albi pulverati uncias quatuor.

PRAEPARATA EX HYDRARGYRO. 355

Tere utrumque in mortario lapideo cum
Aquae S. Q. ut fiat massa mollis, quam tandiu
subige, donec Hydrargyrus penitus sit ex-
stinctus.

*In singulis drachmis continet Hydrargyri
scrupulum unum.*

Dosis à granis sex ad scrupulum.

SULPHURETUM HYDRARGYRI NIGRUM.

(Æthiops Mineralis.)

℞. Hydrargyri puri uncias duas,
Sulphuris sublimati uncias quatuor.

Tere simul in mortario vitreo, aut mar-
moreo, quousque globuli visum effugiant.

*In singulis drachmis continet Hydrargyri
scrupulum unum.*

Dosis à semiscrupulo ad drachmam.

OXIDUM HYDRARGYRI NITRATUM RUBRUM.

(Mercurius Praecipitatus Ruber.)

℞. Acidi Nitrici. }
Hydrargyri puri. } ana libram unam.

yy 2

356 PRAEPARATA EX HYDRARGYRO.

Misce in vase vitreo balneo arenae ad solutionem. Liquorem vapore ad siccitatem. Materiem pulveratam immitte in vas fictilem non vitreatum latioris fundi, et valido igne calcina, spathula ferrea continenter agitando, donec rubrum colorem acquirat: postea in porphyritem tandiù tere, aut laeviga sine aqua, donec subtilissimus pulvis appareat.

Usus externus.

MURIAS HYDRARGYRI PRAECIPITATUS.

(*Mercurius Praecipitatus Albus.*)

℞. Hydrargyri puri uncias quatuor,
Acidi Nitrici purificati uncias sex,
Muriatis Sodae uncias quatuor,
Aquae Distillatae libras tres.

Hydrargyrum cum Acido dissolve in matracio vitreo, loco frigido. Muriatem Sodae solve quoque in Aqua, et filtra. Dissolutionem Hydrargyri effunde in Muriatis Sodae dissolutionem. Tunc adde Aquae purissimae uncias sexdecim. Pulverem album subsidentem,

PRAEPARATA EX HYDRARGYRO. 357

decantato liquore supernatante, aqua pura pluries elue, in umbra exsicca, et vase opaco serva.

Usus externus.

MURIAS OXYGENATUS HYDRARGYRI SUBLIMAT.

(*Mercurius Sublimatus Corrosivus.*)

℞. Nitratis Hydrargyri per evaporationem exsiccati, }
Sulphatis Ferri ad albedinem } partes aequales.
calcinati aut exsiccati, }
Muriatis Sodae exsiccati. . . }

Seorsim pulvera, diligenter misce, et in matraccio vitreo, quod triplo capacius sit, et cujus medietas in balneo arenae demergatur, sublima, ignem augendo, donec vapores rubri non amplius prodeant. Ex frigido, fractoque matraccio exime accuratè massam salinam, superiori vasis parti adhaerentem.

Usus plerumque externus.

Interius cautissimè ad octavam grani partem in Aqua Stillatitia propinatur.

MURIAS HYDRARGYRI SUBLIMATUS.

(Mercurius Mitis, seu Dulcis.)

R̄. Muriatis Oxygenati Hydrargyri Sublimati
uncias octo,

Hydrargyri puri uncias sex.

Tere Muriatem Oxygenatum in mortario vitreo, aut supra porphyritem cum Aquae pauxillo, Hydrargyrum purum paulatim addendo, donec reddatur inconspicuus. Sublima igne arenae in phiala vitrea. Materiem crystallinam à faecibus separatam, rejecto etiam pulvere farinaceo superiori vasis parti adhaerente, iterum tere, ac sublima: idque repete si opus fuerit, donec parum materiae cum pauxillo Potassae, aut Calcis purae tritum, ac in aquâ solutum nigrescat. Tunc materiem omnem pulvera, in porphyrite laeviga, et Aqua Distillata fervente lava, sicca, et vase opaco ad usum serva.

Dosis à granis sex ad semidrachmam.

SULPHURETUM HYDRARGYRI FACTITIUM.

Rx. Sulphuris puri libram unam.

Liquefacto in vase fictili adjice sensim
Hydrargyri puri libras tres.

Agitentur continuo, donec exacte unita
appareant, et nigrescant. Frigefactam, et pul-
veratam materiem forti igne sublima ex phia-
la vitrea in massam rubram, phialae orificium
chartâ obturando: postea laeviga, et serva ad
usum.

Dosis ad grana octo.

CAPUT XLII.

PRAEP. EX ANTIMONIO.

ANTIMONIUM PURUM.

(*Regulus Antimonii.*)

Rx. Sulphureti Antimonii Nativi, striati, et niti-
di libras duas,

Tartritis Aciduli Potassae Communis libram
unam, et semis,

Nitratis Potassae puri uncias octo.